



Шогшо эл, порылык да гим верр!

7-ше (3499) №,
2021 ий 13 февраль,
шуматкече.

Будь готов/

ЯМДЕ ЛИЙ

1933 ий 1 февраль годсек лектеш.

0+

Поро паша чапым нӧлта

Марий Эл
Республикыште 23 фев-
раль марте Оборонно-
массовый да военно-
патриотический
паша месячник
эртаралтеш.



Е. ПЛОТНИКОВАН фотожо.

Школьник-влакын росси-
йысе толкыныштын уверта-
рымыж почеш «Поро шумат-
кече» акций каныш кече еда
эртаралтеш. Тушко тӱжем
дене йоча, туныктышо, ача-ава
ушнат да поро пашам шуктат.

Лум велеш, паша шолеш. А
йоча-влак куаненыт веле. Модын, юар-
лен, веселан да пайдалын жапым эртарат.
Теве Марий Турек район Сардаял школын
тунемшыже-влак мунчалташ верым ямдылен
шуктенытат, памятник воктеке лумым эрыкташ
толыныт (снимкыште). Удыр-рвезе-влак арня
еда эртаралтше «Поро шуматкече», «Еш дене каныш
кече», «Пайдале каныш» да моло акцийлаш чулымын
ушнат. Шонгыен-влаклан полшат, кайыкым пукшат,
ачашт-авашт дене пырля пӱртӱсыштӧ канат.

*«Еным куандарет, полшет, пиал кумылым кеч ик
жаплан пуртет гын, илыш вашталтмым шижат.
Моткоч изи пашат айдемылан кугу куаным конда.
Вет поро паша канаш ок ярсе, тудым ышташ
нигунам вараш от код»,* – ойлат удыр-рвезе-влак.

Е.ИВАНОВА.



ПОДПИСКЕ

«Ямде лий» газетлан
кажне тылзын 15 числа
марте верласе связь отде-
ленийыште (почтышто)
возалташ лиеш.

Индекс – П4696.

Электрон подпискым
ышташлан 89027382237 номер
дене Сбербанкыш 150 тенгем
колтыза але тиде номерышке
пыштыза да yamde_lii@mail.ru
адресыш лӱмнердам возен
колтыза.

Рекламе.

Сүрет – илыш да куан

Алиса Шкалина (**снимкыште**) Шернур посёлкысо 2-шо номеран школын 7-ше классыштыже тунемеш. И.Н.Молотов лүмеш Шернур йоча сымктыш школышто ешартыш шинчымашым налеш: изинек сүретлаш йората. Туныктышыжо – Л.Ю.Орзаева. Алисалан портретым, натюрмортым сүретлаш келша. Районысо, регион-влак кокласе, тўнямбал конкурслаш-



Пытартыш сенгымашыже – «Йышго кугызалан» районысо конкурсышто 1-ше вер. Тудын сүретше Россий Почтын у ий конкуртым сорастарен.

те усталыкшым терга. Ятыр гана сенгышышке лектын. Тиде сенгымаш Алисалан у ўшаным да куаным конден.

Л.ОРЗАЕВА.
Авторын фотожо.

Капкылым шуарена



Мемнан школышто футбол секций уло. Тудым тренер И.П.Хлыбов вуйлата. Иван Петрович – поро да сай туныктышо. Мый секцийыш куанен коштам. Эн ончыч упражнений-влакым ыштена, вара кок командылан шелалтын модаш тўналгына. Тўрлө тагасымаште шуко гана сенгыше-влак радамыште лийынна. Футболла модмаш капкылым шуара да кумылым нўлта.

У Торъял, Тошто Торъял.

Софья БАСОВА.

Идалыкын тунемшыже

Школыштына «Идалыкын тунемшыже-2021» конкурс эртаралтын. Мыят тушко уло кумылын ушненам. Ме викторинысе йодыш-влаклан вашмутым кычалынна. Туныктышо-влак портфолио нам акленыт. Шкемым чолган да устан ончыктымемлан мыйым икымше вердене палемденит.

Эльмир АНИСИМОВ.
У Торъял,
Токтарсола.

Историйым шергалына

1989 ий 15 февральыште Арганистан мланде гыч совет войскам пўтынек лукмо. Ты кечын Шочмо эл деч өрдыжтө службный порысым шуктышо россиян-влакым шарналтат.

Икымше тўнямбал сар годым 1916 ий 16 февральыште Ч.Ч.Юденичын вуйлатыме руш войска Эрзерум турко орым сенен налын.



Российысе увер

1-6-шо класслаште тунемше-влак «Я люблю математику» онлайн олимпиадыш 28 февраль марте ушнен кертыт. Олимпиаде кум этап дене эртаралтеш. Йодмашым <https://education.yandex.ru/olymp/> ссылке почеш пуыман.

Россий Федерацийысе просвещений министерстве уста йоча-влаклан «Сириус» гай тунемме рўдерым 2024 ий марте кажне регионьшто почаш темла. Тачысе кечылан Россий мучко 53 рўдер пашам ышта.

Юл кундем федерал округын «Герои Отечества» мер проектше радамыште кок конкурсыш ушнаш лиеш: «Эн сай тоштер» да «Эн сай военно-патриотический клуб». Тўрыс уверым герои.рф/me ссылке почеш ончыман.

Марий Элысе увер

Йоча сымктыш школ-лаште духовой семўзгар пўлкаште тунемше-влакын регион-влак кокласе конкурсышт Йошкар-Олаште 10-15 февральыште онлайн эртаралтеш. Тагасымашке Марий Эл, Чуваш, Татарстан республик-ла да Виче кундем гыч 200 наре самырык музыкант ушнен.

6-17 ияш икшыве-влак да 18-30 ияш ўдыр-рвезе-влак, «Театральное Приволжье» йоча да самырык театр коллектив-влакын фестивалыштлан афише ден плакатым ямдылыме конкурсышко ушныза. Йодмашым 25 февраль марте theatres.fest@mail.ru адрес дене электрон почтыш колтыза.

Икымше классыште тунемше да начар тазалыкан икшыве-влакым 22 гыч 28 февраль марте ешартыш каникулыш колтат. Тудо йоча-влакын тазалыкыштым аралыме шонымаш дене пуалтеш.



*Книгам уло чон дене
йӧратыза!
Тудо тендан эн сай
йолташда веле огыл,
ймыр мучкылан йшан-
ле спутникда.
М.ШОЛОХОВ.*

О.В.Дорохина (**сним-кыште**) – педагог-психолог. Тудо Интернетыште сайтм вӱда, блогер семнат палыме. «Марий Эл Республик» лэпбукын авторжо.

– *Ольга Валерьевна, мо тыгай лэпбук, молан тудо кӱлеш? Каласкалыза.*

– Лэпбук – тиде шке гыч ыштыме, шуко кӱсенан, окнан, омсан книга але папке. Англичан йылме гыч кусараш гын, «пулвуйышто кийыше книга» лиеш. Тудо сӱрет сынан увер, изирак текст, графике, диаграммевлакым аралаш келыштаралтеш. Лэпбукын кӧргыжӧ – модыш, тушто, сӱрет, фото, правил-влак да молат. Тыгай папкым тунеммаште полшыркалыше справочник семын кучылташ пайдале. Тудо уверым писын умылаш, тунжым шарнен кодаш полша.

– *Марий Эл Республик нерген лэпбукым ышташ шонымашда кузе шочын?*

– Мый тӱрлӧ верлам ончен

кошташ йӧратем. Шуко кундеммыште лийынам. Марий Элын эртыме корныжо пеш поян. Лэпбукым погаш тӱналме деч ончыч Марий Эл нерген шуко видеом

Шуко «кӱсенан» книга



Фотогым еш архив гыч налме.



онченам. Ора-там ямдылымеке, пашалан пижынам. Йоча-влаклан полыш семын кучылташышт пайдале,

шонем.

– *«Пулвуйышто кийыше книгалан» темым кузе ойыреда?*

– Тыште йочан кумылжым

Мутлан, «Йошкар книга» нерген лэпбукым ямдылаш тӱжалме деч ончыч туныктышо йоча-влаклан тушко пуртыммо пеледышым але янлыкым сӱретлаш кӱшта.

да ийготшым шотыш налман. Сандене теме-влак тӱрлӧ лийын кертыт: экологийым аралыме нерген, сылнымутан произведений да геройжо-влак, тунемме материал почеш да шуко моло.

– *Лэпбукым ышташ йочам кузе кумылашда?*

– Йоча-влаклан лэпбукым ямдылаш келша. Икшыве-влак дене посна але изирак тӱшка дене пашам ышташ лиеш. Кызыт лэпбукым сӧрастараш тӱрлӧ макет уло, кевытлаште наборым ужалат. Тудым кучылтын, тӱналгыш класслаште тунемшат изирак лэпбукым ыштен кертеш. Поян материалан лэпбукым ача-ава дене пырля але классыште погаш лиеш. Книгам ыштыме годым йоча дизайнерын, сӱретчын, возышын сомылжым шуктен кертеш. Шке шонымашыжым почеламут, тушто але изирак сочинений гоч почеш. Тыгай паша йочалан личность семын виянашыже полша.

Е.ИВАНОВА мутланен.

Умбакыже мо лиеш?

Шукерте огыл мый Елена Усачеван «Влечение» книгажым лудынам. Тиде книга кугу историйын ик ужашыже веле улмаш. Книган жанрже – фантастике. Мыланем моткоч чот келшен. Шушаш кечылаште библиотеказыш книган вес ужашыжым налаш каем. Умбакыже мо лиймым пален налнем. Йоча-влак, те могай книгам лудыда?

Таня ТИМОФЕЕВА.

Морко, Коркатово.

Палаш онай

Шуко лаштыкан эн тошто книгалан «Этруская золотая книга» шотлалтеш. Тудым меклан курым деч 660 ий наре ончыч возыт. Книгам Болгарийысе Струма эзер воктене кӱнчен луктыныт.



Курык серын лүмлө поэтше

Геннадий Матюковский 1926 ий 14 февральыште Курыкмарий район Кылыкал ялеш шочын. Йоласал кыдалаш школым тунем лекмеке, 1942 ийыште Марий кугыжаныш педагогический институтын студентше лийын. 1943 ийыште Йошкар Армию радамыш налын. Кугу Ачамланде сар деч вара пединститутышто угыч тунемын, тыгодымак Москосо Литературный институтыш заочно пурен.



Г.Матюковскийын пашаже-влак 1939 ийыште савыкталташ тўналыныт. Илыш корныштыжо 20 угла книгаг печатлен луктын. Геннадий Иванович курыкмарлат, тыгак олыкмарлат ик семын мастарын возен. Тудын марте Шадт Булат тыге серен. Г.Матюковский марий литературышто почеламут дене возымо кокымшо романым – «Сынгымашын корны дон» – шочыктен, Н.Ильяковын пашажым умбакыже шуен. Вес йылмыла гыч мастарын марланден: А.Пушкинын «Евгений Онегин» романже, «Калевала» карел-финн эпос да молат. 1972 ийыште «Ида вашталте шўмым» сборниклан Марий АССР-ысе Кугыжаныш премийым сулен налын. 1980 ийыште МАССР-ын калык поэтше лўмым пуымо.

МАССР-ын калык поэтше Г.И.Матюковскийын шочмыжлан – 95 ий.

Шуко палынем

Шукерте огыл мыланем «Почему» лўман энциклопедийым пöлекленыт. Тудо моткоч онай да пайдале книга. Мый мланде, шўдыр-влак нерген пален налынам. Айдемын организмже нерген лудаш пеш онай. Мый шодын молан кўлмыжö, тудын могай «пашам» ыштымыжым раш умыленам. Лишыл жапыште энер да тенгыз-влак нерген лудаш тўналам.

Артём ИВАНОВ.
Йошкар-Ола, 24-ше №-ан школ.



*Книгам лудмаш
йырым-йырысе илышым,
калыкым, эн тўнжö,
шкендым улылаш
полша. Сай книгаг уш-
пачаш лудса – могай-
гынат кїлешан уверым садиктак
верештыда.*

Калык ой.

Конкурс

#У_книга_шөрлык

Пайремлан – полыш



Республикысе марий тўвыра рўдер «Изи мөр пеледыш» сценарий сборникым савыктен луктын. Тушко йочасадыште, школышто, тўвыра пöртыштö марий пайремым эртараш полшышо сценарий-влак пурталтыныт. Тидын нерген сборникым чумырышо **Р.П.НИКОЛАЕВА** каласкала:

– Тиде книгашке пытармыш ийлаште эртарыме йоча пайрем да конкурс-влаклан сценарийым пуртым. Нуно У ийым, Йочам аралыме тўнжамбал кечым, Пеледыш пайремым, Колумб лудмашым, марий калык пайрем-влакым эртараш полшат. Умаште Шарнымаш да чап идалык лийын. Книган ик ужашыже тидлан пöлеклалтын.

«Изи мөр пеледыш» сборникым тўрлö пайрем да мероприяций гыч ятыр фото сöрастара.

Х.АЛЕКСАНДРОВА.



Удыр-рвезе-влак, «Книга тўня – уш-акыл кугыжаныш» сочинений конкурсым увертарена. Кок тагасыште усталыкдам терген кертыда:

1. Шочмо кундемын серызыже дене кугешнем.
2. Писатель-землякын сылнымутшо гыч йöратыме герой.

Паша-влакым «Ямде лий» газет редакцийыш 1 апрель марте колтым. Сенгыше-влакым 1-4-ше, 5-8-ше, 9-11-ше класслаште тунемше-влак коклаште палемдена.

«Алюк ден Бусин»

Мый книгаг лудаш пеш йöратем. Тудо уш-акылым пойдара. Шукерте огыл книгагудышко миен коштым. Вигак марла книга-влакым шергалаш тўналым. Кидышкем Зинаида Каткован «Кечшудо» книгаже логале. Лаштыклен лектымат, онайла чучо. Пеленем мöнгыштö лудаш налым. «Алюк ден Бусин» ойлымаш поснак келшыш.

Полина ПАЙБУЛАТОВА.
Морко, Коркатово.

#Кагаш

**Лудаш
тунемына**

Сайын тунемашлан писын лудмаш кугун полша. Сандене писын лудын моштымым эре виандыман. Икмьяр модышым темлена. Туныктышо дене пырля эртараш але ешыште модаш лиеш.

«Буксир»

А) Туныктышо текстым йўкын лудеш: эн ончыч тыматлын, вара писынак да писынак. Тунемше-влак, тудым поктен шуаш тыршен, почешыже йўкын лудыт.

Б) Туныктышо йўкын лудеш, а йоча-влак – шке самынышт. Туныктышо шыплана, тунемше-влак умбакыже йўкын лудыт.

«Вуй ден поч»

Туныктышо але тунемше текстыште иктаж-могай предложенийым лудеш. Йоча-влак тудым писын кычалын мушаш да умбакыже лудшаш улыт.

**14 февраль – Книгам
пөлеклыме тўнямбал кече.**

Шукертак лудмо книга-влак полкышто коклан «йокрокланен» шогат але шке самынышт шып тоштемьт. Ёдыр-рвезе-влак, тендан тыгай книгада-влак улыт гын, нунылан кокимшо илышым пуыза, школысо але ялысе библиотекулан пөлеклыза. Теве Шернур посёлкысо рўдō книгагудо «Книгам куанен пөлеклыза» акцийым увертарен. Тушко февраль мучко ушнаш лиеш. Моло вереат тыгай акция-влак эртаралтыт.

Палаш онгай

Тўнямбалне эн кугу книгаган 300 лаштыкан «Суперкнига» шотлалтеш. Чельыше – 252,6 килограмм. Кужытшо – 2,74 метр, лопкытшо – 3,07 метр. Книгам 1976 ийыште *Денвер олаште (США) савыктыме.*

Чыным муын

Мыйын йоратыме книгам – «Мейзи Хитчинс». Тудым британ писатель Холли Вебб возен. Тўн герой – 10 ияш Мейзи. Ёдыр сыщик лийнеже. Икана йолташыжым оксам шолыштын манын титакленыт. Мейзилан кōра чыным муыныт. Ёдыр сыщик лўмым сулен налын.

Анна ВИНОГорова.

Звенигово, 2-шо №-ан

Красногорский школ.

**Марий мифологийым
шымлен**

Константин Ситников – руш серызе, кусарыше. 1971 ий 7 февральыште Тула вел Узловая олаште шочын. Кызыт Марий Элыште ила. Шкенжын икымше сай произведенийжылан «Треба» фантастике ойлымашым шотла. К.Ситников англичан, венгр, марий йылмыла гыч почеламутым кусарен. Марий мифологийым ятыр жап шымлен да тудын дене кылдалтыше термин мутерым ямдылен.

«Юмо и Кереметь» изи йомак-поэмым серен. Действий кумда каваште эрта. Персонаж-влак ожно лийше событийлам ушештарат, лўмышт дене йомакысе герой улмыштым палемдат: Юмо, Керемет, Пиамбар, Салий, Кава Юмо, Тылзе Юмо, Кўдырчō Юмо, Юмын поян вольык кўтўжō, тегыт тупан имныже, овда кува да молат.

Х.АЛЕКСАНДРОВА ямдылен.



**К.Ситниковлан –
50 ий.**

Саламлена!



Л.КОШАЕВАН фотожо.



Книгагудышто
6 тўжем учебник,
22 тўжем сылныму-
тан литератур
аралалтыт.

«Иле, книга!»

Тыгай акцийым школышто эртарышна. 5-ше классыште тунемше-влак да класс вуйлатыше О.В.Максимова школысо библиотекуште 23 книгам тōрлышна (**снимкыште**). Ме книгагудышко чўчкыдын коштына. Амалжат уло: библиотекарь Т.В.Семёнова тўрлō конкурсым, ончерым, модышым эртараш. Тунемше-влакым книгам лудаш кумыланда. Кертмына семын книгам фондым пойдараш полшена: «Библиотекулан книгам пөлекле» акция-влакым кажне ийын эртарена. Ме книган пайдалыкыше, тудым арун кучымо нерген пеш раш умылена.

Библиотекарь Т.В.СЕМЁНОВАН темлымашыже:

«Йоча-влак книга дене кылым кучат. Тиде моткоч куандара. Шочмо марий йылме дене савыкталтыше сылнымутан литературым лудшо-влакын чотышт шагалемеш. Книгам мотор сўретаным да иканыште кок йылме дене: рушла да марла – савыкташ гын, пайдаже утларак лиеш, шонем».

5-ше классыште тунемше-влак.

Волжский, Пōтъял.





Лүм:

Агния Львовна Барто (Волова).

Шочын: 1906 ий 17 февральште, Моско олаште.

Тунемын: тўналтыш шинчымашым ачаже Л.Н.Волов пуэн. Москосо гимназийште тунемын. 1924 ийыште хореографий училищым тунем лектын.

Произведенийже-влак: «Стихи детям», «За цветами в зимний лес», «Записки детского поэта», «Весёлые стихи» да молат. «Слон и верёвочка», «Алёша Птицын вырабатывает характер», «10000 мальчиков» кинофильм-влаклан сценарийым возен. «Звенигород» поэмым Кугу Ачамланде сар годым ача-ава деч посна кодшо йоча-влаклан пөлеклен.

Паша: 1924 ийыште балет труппышто пашам ыштен. Сар жапыште Свердловск кундемсе фабрикиште токарьлан тыршен. Йоча-влаклан сымыктыш да сылнымут деятель-влакын ассоциацийыштым кужу жап вуйлатен. 1964-1973 ийлаште «Маяк» радиостанцийыште «Найти человека» программым вўден. Ты программе «Жди меня» передачылан тўналтышым пыштен.

Агния Бартон шочмыжлан – 115 ий.

Серызын илыш корныж дене палыме лийза да кок йонгылыш фактым муза.

1. Агния Барто выпускной экзаменым кучымыж годым «Похоронный марш» икымше поэмыжым лудын. Залыште серызе Анатолий Луначарский шинчен. Тудо ойлен: «Самырык поэтессе онай да куштылго почеламутым возаш тўналеш».
2. 60-шо ийлаште Писатель ушемшыште космонавт-влак дене вашлиймаш лийын. Ю.Гагарин кагазеш «Уронили мишку на пол...» манын возен да авторлан пуэн. Космонавтын автографше кызытат Агния Бартон тоштерыштыже аралалтеш.
3. Балет школым тунемын пытарен да ик ий балеринылан пашам ыштен.
4. Кугу Ачамланде сар годым А.Барто кугыжаныш премийым налын да йочапёртым чонаш оксам пуэн.
5. Венерысе кратер тудын лўмжым нумалеш.
6. Серызе немыч йылмым куанен тунемын.

Руш баснописец И.А.Крыловын «Квартет» басныж гыч герой-влакым кычалза.

К	П	У	И	В	Ё	М	н
А	Р	Ц	Ы	Х	Э	А	Д
З	О	Ь	М	А	Я	Й	М
А	У	И	Л	С	Ф	О	Ы
Й	Л	Б	З	К	А	Е	Л
Е	Ё	Х	Ь	Ж	Ы	Н	В
Ч	Ш	Ў	Ш	А	И	Ш	Ь
Я	Л	Г	П	С	Р	А	Т
И	В	А	Ы	О	А	К	Ё
Р	О	У	К	Д	Г	Э	Ы

Задаче Книгаште – 600 лаштык.

Рвезе тушечын 23 процентшым лудын. Мыняр лаштыкым эше лудашыже кодын?

Кроссворд «Югорно» эпос почеш

Шола гыч пурлашке:

3. Мудреч ен.
4. Мотор ўдыр.
5. Юлым тыге маныт.
7. «Югорно» эпосысо герой.
8. Энер лўм.
9. Пикш умдо лўм.
12. «Югорнын» авторжо.

Кўшыч ўлыкё:

1. Пикш умдо лўм.
2. Тале пикшызе.
4. Осал айдеме.
6. Самырык рвезе.
8. «Югорно» – тиде ...
10. Пикш умдо лўм.
11. «Югорным» марлашке кусарыше поэт.



#Сўрет_ончер

П.Бажовын «Серебряное копытце» йомакше почеш сўрет.



Милона ДУВАНОВАН сўретше. Волжский, Пётъял.

Печать да массовый коммуникаций шотышто федерал агентствын окса польшыж дене лукмо.

В.СМИРНОВ ямдылен.

Тазалык кече

Унчо школышто Тазалык кечым эртарышна. Ме, 6-шо «А» классыште тунемше 13 йоча да класс вуйлатыше Р.Н.Петрова, чодыраш ече дене мийышна. Игече поранан, мардежан ыле гынат, мемнам ыш лұдыктō.

Чодыраштыже могай мотор! Пушенге-влак ош пушкыдо лум дене леведалтынит. Южшо яндар-яндар. Лумышто түрлō кыша палдырна. Шора вўд воктене йомакыште улмо гай чучо. Шер теммеш модна, мунчалтышна да мōнгтō пōртылна. Угыч тыгай кечым вучена.

Александра ИВАНОВА.
Морко район.



Авторын фотожо.

Ош тельлан куаненна,
Лум окопым кўнченна.
Лек, йолташ, пырля модаш!
Шер теммешке пōрдалаш!
И.АЛЕКСЕЕВА, воспитатель.
1-ше номеран Морко йочасад.

14 февраль – Йōратыше-влакын кечышт.

Мастар кид

Тиде пайремлан түрлō валентинкым ышташ лиеш. Иктыжым ончыктена.

Кўлыт: чонланда келшыше кок түрлō

кагаз, мотор тұран але узоран куэм, түрлō тұсан шўртō. Сōрастарашлан могай-гынат пеледыш келшен толеш, тудыжым шке ышташ але ямдым налаш лиеш.



Сай оза

Теле кечын уло класс ден Миен коштна унала.
Тура курык гыч мешак ден Вольшна! Ушет кая!

Ыле тушто ик Сонарзе,
Пикш ден лўяш туныкта.
Кадыр йолан шем Маскаже
Тўрлō семын модыкта.

Вуверкува тышке-тушко,
Чодыра мучко куржталеш.
Киямат Куваже кушто?
Шонышым, лўдыктынешт.

Пōрт гыч лекте Кугыза,
Куанен толмыланна.
Тудо тыште сай оза,
Келшыш моткоч мыланна.

Костя ШЕХУРДИН.
Шернур, Кукнур.

Синквейн

Теле
Йўштō, луман.
Кылмыкта, пургыжта, куандара.
Йōратыме жапем.
Идалыкын пагытше.
Дарина ШАМЕЕВА.
Татарстан, Агрыз,
Пелемеш.

Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.pp

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиим аралымаште законодательствым шуктен шогымым эскерыше Федеральный службын Приволжский федеральный округысо управленийыштеже регистроватыме.
Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымышт түрлō лийын кертыт. Серыш-влак мōнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пōрт.
Тел. 8(8362) 45-22-82(факс)

Конкурс



Марина НИКОЛАЕВА.
Советский, Нёлпер.



Дарина ден Матвей
ГРИШКИНМЫТ.
Звенигово, Суслонгер.

Теле каныш



Марина СТЕПАНОВА.
Волжский, Упшер.

Сүретыште мом ужда?
Кажныжын вержим үлнó ончыктымо
семын возыза.

	1	2	3	4
А				
Б				
В				
Г				

(В, 1) (.....)

(.....) (.....)

(.....)

Сіретым пример почеш чиялтыза.



Тушто-влак

Шып толеш,
урмыж кая.


Кенезым мала,
телым кынеш.

Оралте леведыш
тұрыштó ош кешыр
кушкын.

Киддыме-йолдымо
шұргым чиялта.

Есения ЕГОШИНА.
У Торъял, Немда.

Икгай кок рывыжым муза.



Фигур-
влакым
сүретлен
пытарыза.

Пример-влакым шотлен,
вашмутыштым возыза.

Интернетесе сүрет-влакым кучылтмо.